

介菴詞

目錄

醉蓬萊 一詞	滿江紅 三詞	臨江仙 二詞	鷓鴣天 三詞
水調歌頭 二詞	瑞鶴仙 二詞	清平樂 二詞	眼兒嬌 一詞
朝中措 六詞	新荷葉 三詞	永遇樂 一詞	訴衷情 二詞
看花回 二詞	菱荷香 一詞	千秋歲 一詞	風入松 一詞
垂絲釣 二詞	謁金門 八詞	茶瓶兒 一詞	祝英臺近 一詞
柳梢青 三詞	好事近 八詞	五綵結同心 一詞	瑞鷓鴣 一詞
點絳脣 五詞	秦樓月 二詞	月中桂 一詞	滿庭芳 一詞
阮郎歸 三詞	減字木蘭花 六詞	水龍吟 一詞	如夢令 二詞
鵲橋仙 四詞	菩薩蠻 五詞	念奴嬌 一詞	念奴嬌 一詞
蝶戀花 一詞	琴調相思引 二詞	意少年 一詞	思佳客 一詞
杏花天 二詞	浣溪沙 六詞	惜分飛 一詞	絳都春 一詞
虞美人 三詞	南鄉子 三詞	小重山 一詞	隔浦蓮 一詞
畫堂春 二詞	滴滴金 一詞	賀聖朝 一詞	念奴嬌 一詞
青玉案 一詞	沙塞子 一詞	點絳脣 一詞	轉調踏莎行 一詞
		瑞鶴仙 一詞	看花回 一詞
		好事近 一詞	賀聖朝 一詞

宋六十名家詞

介菴詞目錄

二

浣溪沙 二詞 菩薩蠻 一詞

眼兒嬌 一詞 江城子 一詞

西江月 一詞 千秋歲 一詞

虞美人 二詞 瑞鷓鴣 一詞

豆葉黃 一詞 念奴嬌 一詞

水調歌頭 一詞 臨江仙 一詞

喜遷鶯 一詞 鷓鴣天 十一

介菴詞目錄 終

介菴詞

宋 趙彥端

醉蓬萊 梅

向蓬萊雲渺姑射山深有春長好香滿枝南笑
人間驚早試問雲柯錄冰裁玉費化工多少東
閣詩成西湖夢覺幾番清曉 好是羅幃麝溫
屏煥却恨煙村雨愁風惱一一清芬爲東君傾
倒待得明年翠陰青子陰鳳皇池沼更把陽和
從頭付與繁花芳草

滿江紅 茶

千種繁春已去翩然無迹誰信道荼蘼枝上
靜中收得曉鏡洗粧非粉白晚衣弄舞餘衫碧
繁寶鈿珠珥不勝持凝陰夕 金翦度還堪惜
霜蝶睡無從覓知多少清夢釀成水骨天女散
花無酒聖仙人種玉慚香德帳攀條記得鬢絲
青東風客

又 錢前政處光祖赴
州幕席上作

津鼓鼕鼕三老醉知誰留得都不記琵琶洲畔
草青江碧桃李春風吹不斷煙霞秋興清無極
悵樽前桂子有餘香曾相識 殘雨畫初涼夕
高燭爛新醅白長歌斷歡意不如愁色父老能
尋循吏傳關河暫枉諸侯客待日邊一紙詔黃
飛勝相憶

又 江秘監
席上作

賜被熏爐曾同見官槐重綠時歸看綺疊嶂
楚腰翻曲君過蓬山輕歲月我懷廬阜分符竹
道別離待得再歸來人應俗 春欲動醅初熟
追一笑森三玉且相對青眼共裁紅燭小語人
家閑意態淡寒都下新裝束念平生和雨醉東
風從今足

水調歌頭 秀州坐
上作

秋色忽如許風露皎如空平生青鬢餘地老與

故人同憶得鱸魚來後難以洞庭新橋月墮酒
盃中賓客可人意歌舞轉春風坐間玉花底
扇又從容從容更好無奈多病已衰翁賴有主
人風味識我少年狂態乞與酒顏紅一醉曉鴉
起流水任西東

又壽

淦水定何許樓外滿晴嵐落霞蜚鳥無際新酒
爲誰甘聞道居鄰玉箭下有芝田琳苑光景照
江南已轉丹砂九應降素雲三德壽谷翻舞
袖縱劇談玉壺傾倒香霧黃菊釀紅柑好在當
時明月只有壺照一縷緘寄可同參賸肯南遊
不逢海試窮探

瑞鶴仙

爲壽
記河梁折柳問畫堂樂事燕鴻難偶十年謾回
首但亭亭紫蓋差差南斗傳聞小有種桃花親
煩素手怪歸來道骨仙風縹緲迥然非舊清

畫江南如畫紫菊冬前翠橙霜後扁舟渡口佳
客至奉名酒喚青鸞起舞雲窗月檻一曲山明
水秀笑相看玉海別來淡如故否

又歲交代沈公雅臺山
寺作繼作朝中措

攬垂楊細折有別情遺愛與君都說文茵帶瑯
輒是行春來處去年阡陌柔桑半葉轉風光輕
颺秀麥正人家共約耕相惜牛社相留客清
絕溪山猶記脫帽吟風倚樓招月東君何事將
春至放春歌道從今江上一花一柳皆想油幢
瑞節縱離愁瘦減腰圍帶金正辟

朝中措

山礬風味更梨花清白競春華試問西園清夜
何如山礬人家楚東千嶂吳江一棹雲路非
賒惟有相思兩地可憐淡月朝霞

又

燒燈已過禁煙前春信遙相傳柳暗乍迷津霧

花暄欲照江天 天涯賓主相逢老矣一笑歡
然晚歲許同廬社西風不買吳船

又東風亭
初成

長松擎月與天通 霜葉亂驚鴻露桐乍疑盃盤
雲生似覺衣重 江南勝處青環楚嶂紅半溪
楓倦客會應歸去一亭長枕寒空

又

幾枝筇竹半煙雲 鐘鼓醉中聞千點好山餘思
一灣流水能分 多情皓月柁輪夜半光動風
文看取清閒賓主猶勝富貴封君

又路彥望
生日

新涼溪閣算山重水月共空濛九轉不須塵外
三峯只在壺中 他年盛業雲間可望林下難
逢記取薌林岩洞何如千越秋風

又

西城煙霧一重重 瀟瀟便秋風巧妒玉人裝髻

無如禁輪難通 新聲窈眇怨傳楚些嬌並吳
宮夜久三星為祭皓蛾寧為君容

新荷葉

欲暑還涼如春有意重歸春若歸來任他鶯老
花飛輕雷澹雨似晚風欺得單衣簷聲驚醉起
來新綠成圓 回首分攜光風冉冉非非曾幾
何時故山疑夢還非鳴琴再撫將清恨都入金
徽永懷橋下繫船溪柳依依

又

雨細梅黃去年雙燕還歸多少繁紅盡隨蝶舞
蜂飛陰濃綠暗正麥秋猶衣羅衣香凝沉水雅
宜簾幙重幃 繡扇仍攜花枝塵染芳菲遙想
當時故交往往人非天涯再見悅情話景仰清
徽可人懷抱晚期運社相依

又秀州
作

玉井冰壺人間有此清秋笑語雍容今從庭戶

初修迎風待月香凝處四捲簾鈎月波奇觀未
饒當日南樓聞說三吳江湖從古風流況有
雙轡舊譜黃閣青油金甌屢啓應難解久爲人
留天池波濫可憐蘋滿汀洲

看花回

張守生日

注目正江湖浩蕩煙雲離屬美人衣蘭佩玉澹
秋水凝神陽春翻曲烹鮮坐嘯清淨五千言自
足橫劒氣南斗光中浩然一醉引雙鹿回雁
未歸書未續夢草處舊芳重綠誰憶瀟湘歲晚
爲喚起長風吹飛黃鶴功名異時圯上家傳謝
寵辱待封留拜公堂下授我長生錄

又

爲壽○東岩
願隱居士也

愛日報疎梅動意春前呼得画棟曉開壽域度
百和溫馨霜華無力斑衣翠袖入面年年照酒
色環四座璧月瓊枝恍然江縣擬鄉園聞道
撫東岩舊迹又殊勝謝家清逸知與桃花笑了

定何似青島層城消息他年妙高峯上優曇會
堪折擁輕軒未妨遊戲看取朱輪十

芰荷香

席上用韵送程德遠罷金谿

燕初歸正春陰暗淡客意淒迷玉觴無味晚花
雨退凝脂多情細柳對沈腰渾不勝衣垂別袖

忍見離披江南陌上強半紅飛樂事從今一

夢縱錦囊空在金挽誰揮舞裙歌扇故應開瑣

幽閣練江詩就算橫舟寧不相思腸斷莫訴離

孟青雲路穩白首心期

垂絲釣

千越亭路旁提置酒同別富南叔

短篷醉艤江南秋意如水露草星明風柳絲委

危檻倚爲故人宴喜歡無幾念青鞵紫綺論

詩載酒猶勝心記雙鯉倦游晚矣雲路非吾事

湖海從君意沙雁起記夜闌隱几

又

算愁有信全勝春夢無準簾纔欲銷衣粉堪認

殘夢醒枕夜涼滿
想香遲正坐美陰晚
花在不來關誰與同
凭斷雲怨冷青鳥無憑問
紅葉翻成恨三五近試預占破鏡

調金門題

朱檻曲粧淺
雲吹綠半尺鴉溪涼意足手香
霑柄玉
午夢已驚難續說與翠梧脩竹逢海
路遙天六六架鸞何處逐

又

勞願曲燕貢雅羞衣綠
管酒不能無味足小盃
空薦玉
只願此權常續莫序水邊絲竹明日
朝參同赴六猶期端騎逐

又

休相憶明夜遠如今日樓外綠煙村
暮暮花飛如許急
柳岸晚來船集波底斜陽紅溼送盡
去雲成獨立酒醒愁又入

又

春已半繡綠新紅如換燕子還來簾幙畔閒愁
天不管
翠波曲屏香滿花葉彩殘人遠鵲喜
蛛絲都未判連環空約腕

又

春不盡處處與情相赴誰道劉郎家恁近一年
花不問
雙剪画羅春勝今夜月圓如鏡怎得
酒闌心易定試將金液鎮

又

春似繡不是別離時候滴盡黃昏殘刻漏月高
花影畫
好在画屏金獸深瑣粉窗蘭牖溪水
南來堪問否幾時離渡口

又

朱戶密鎖鎖一庭春日画幕黃簾芳草碧游蜂
初未識
脆管么絃無力青子綠陰如織花滿
深宮無路入舊遊渾記得

又

春意密不受人間風日一曲清歌雲暮碧樽前
今夜識 醉客倦吟無力滯夢停愁相織只道
桃源難再入有人還問得

柳梢青

生

衰翁自謫堪笑忘了山林閒適一歲花黃一秋
酒綠一番頭白 浮生似醉如客問底事歸來
未得但願長年故人相與春朝秋夕

又

庚寅生日
松山作

危言日出天上漫試人間無術一笑歸來身如
蟬蛻首如龜縮 年年白酒黃花共願我光風
霽月不道道人駸駸老去如何消得

又

醉醺過也醉醺過後無花堪折只有垂楊垂楊
却作絮驚行色 海棠半在如無又爭情舊薇
戀得除是東風隨君歸問玉堂消息

好事近

蔡風亭作

君莫厭江鄉也有茂林脩竹竹外有些亭榭置
酒樽棋局 茶神酒聖各成歡歡長更燒燭寄
語故人鵬鷲任傾金圓玉

又

送林主簿

君到共黃花君去早梅將發君不待梅歸去問
與誰同折 白頭潘令一年秋有酒恨無客莫
忘道山堂上話清音風月

又

盡食判
廟上

草草復囹圄相見也還相憶記取夢魂詩思似
水光山色 清音堂下一扁舟誰主又誰客休
厭一盃相勸看梅梢將白

又

晚集後園

尋得一枝春驚動小園花月把酒放歌添燭看
連林爭發 從今日日有花開野水釀春碧舊
日愛閒陶令作江南狂客

又

白雲亭

風露入新亭看盡楚天秋色行到暮霞明處有

金華僊刻孤城喬木墮荒涼白雲帶溪碧喚

取小舟同醉話江湖歸日

又蝶梅

一種歲前春誰辨額黃腮白風意只吟群木與

此花修別此花佳處似佳人高情帶詩格君

與歲寒相許有芳心難結

又

朱戶閉東風春在小紅纖雪門外未寒猶暖怪

有花堪折梨花菊蕊不相饒嬌黃帶輕白莫

厭醉歌相惜是中原鄉客

又

日日念江東何有舊人重說二妙一時相遇怪

樽前頭白山城無物爲君歡薄酒待寒月草

草數歌休笑似至人衰拙

點絳脣路德友
席上作

山水鄉中豈知還有中原笑醉歌傾倒記得昇

平調舊日年光試把華燈照心情好有些懷

抱擬向梅花道

又

一點青陽早梅初識春風面暖回瓊管斗自東

方轉白馬青袍莫作銅駝戀看官線但長相

見愛日如人願

又

護雨烘晴紫雲縹緲來深院曉寒誰見紅杏梢

頭怨絕代佳人萬里沉香殿光風轉夢餘千

片猶恨相逢淺

又

秋入闌干亭亭波面紅千丈一聲漁唱画箇三

高樣江上風波更泛吳松浪寒潮漲石魚酒

觴漫更知何向

又題西隱

好在蒼苔塵草遺恨風還雨一涼相與片月生
新浦天外離居爲我孫桃舉山如許故人來
否歲晚鱸堪煮

秦樓月

詠晴香

香歎歎小山叢桂烘溫玉烘溫玉酒愁花暗沈
腰如束煩君剝與陽春曲爲君細拂金羅襖
衾羅襖一春幽夢與君相續

又

梅綴雪雪綴梅花肌膚慙肌膚慙豐姿濃態瑩
如玉色歲寒期約無相缺祥花不減晴空月
晴空月依前消瘦還共清絕

阮郎歸

歲寒堂下兩株梅商量先後開春前日遠一千
回花來春又來冰可斷玉堪裁寒空無暖埃
爲君翻動臘前醅酒醒香滿懷

又

一春種得牡丹成那知君遽行東君也自沒心
情夜來風雨聲追問瀾數清明不應歌渭城
只愁河畔草青青却須離緒生

又

餘千留別人家

三年何許競芳辰君家千樹春如今欲去復還
巡好花留住人紅藥亂綠陰勻綠雲新又新
只因小闌記情親動君梁上塵

減字木蘭花

贈橘阮若

四絃續續山水依然關塞足天上新聲謫墮人
間得自名清歌宛轉彈向指間依舊見滿眼
春風不覺黃梅細雨中

又

綠陰紅雨暗淡衣裳花下舞花月佳時舞破東
風第幾枝一盃相屬從他樽前三四燭酒盡
花闌京洛風流仔細看

又

一年歌舞還是花黃轉綠處雨橫風多比似年
時恨若何 簾深酒暖細雨斜風渾不管只有
黃花欲近佳人鬢畔鴉

又

送人南浦日日客亭風又雨相見如何梅子枝
頭春已多 眞成別去酒病明朝知幾許淋損
宮袍都是人人醉後嬌

又

屈亭湘浦怨盡朝雲還算雨知是誰何賦得清
愁爾許多 愛來慵去此意平生成浪許著盡
茸袍想見江梅雪後嬌

又

亂雲繁浦傲雪不成還是雨知我爲何一笑仍
添一恨多 不須歸去琥珀盃深能幾許草色
如袍記取從今舞處嬌

鵲橋仙

來時夾道紅羅步障已換青絲翠羽春愁元自
逐春來却不肯隨春歸去 千觴美酒十分幽
事歸到只愁風雨憑誰傳語牡丹花爲做取東
君些主

又

正月廿三日
秀野堂作

江梅仙去蠟梅風化只有細梅呈秀不知春在
阿誰邊試與問青青楊柳 小園幽事中都風
味關草分香如舊東風莫謾送扁舟爲管取輕
寒羅袖

又

送路勉道
赴長樂

留花翠幕添香紅袖常恨情長春淺南風吹酒
玉虹翻便忍聽離絃聲斷 棄鸞實扇凌波微
步好在清池涼館直饒書與荔枝來問纖手誰
傳水盃

又

紅白二
色蓮

藕花塘上無塵無暑澹澹一池秋韻綠羅寶蓋

碧瓊竿翠浪裏亭月影 一家姊妹兩般梳
洗濃淡施朱傅粉夜深風露逼人寒問誰在牙
床酒醒

菩薩蠻

同飲晁伯如家席上和韓元吉韵

雪中梅豔風前竹詩緣漸與情緣熟醉眼眩成
花惱伊生臉霞 巫雲將楚雨只恐翻然去我
有合懽盃爲君聊挽回

又

雨聲不斷坐簷竹清歌喚起清眠熟洞戶有餘
花同傾細細霞 酒行如過雨雨盡風吹去吹
去復盈盃一春能幾回

又

繡羅幕上雙鴛帶年年長繫春心在梅子別時
青如今渾已成 美人書幅幅中有連環玉不
是只催婦要情無斷時

又

倚闌閒撚生綃扇新涼庭戶微風轉疎雨斷簷
聲淡雲開晚晴 蕉葉寒浸齒枕簟清如水相
憶不勝愁月來簾上鉤

又集句

青春背我堂堂去桃花亂落如紅雨是妾斷腸
時芳心空自持 相思君助取脉脉如牛女天
遠算江遲今宵婦不歸

蝶戀花

贈別趙邦才席上作

堂外溪橋楊柳畔滿樹東風更著流鶯喚時節
清明寒暄半秦箏欲妒歌珠賁 一寸離腸無
可斷舊管新奴盡記雙雉卷幃得今年春較晚
送人猶有餘紅亂

又

雪裏珠衣寒未動雪後清寒驚損幽帷夢風撼
海牛簾幕重画簷水飭如流永 一穗香雲佳
客共溜溜金槽政爾新詞送酒戲詩圖忘百中

燭間有箇人非衆

琴調相思引

臨別餘干席上作

拂拂輕陰雨翹塵小庭深幕墮橋雲好花無幾
猶是洛陽春燕語似知懷舊主水生只解送
行人可堪詩墨和淚漬羅巾

又

曾躡姑蘇城上臺好山知有好人來幾回從倚
月裏算雲開閑倚和風千步柳倦臨殘雪一
枝梅暝香高燭翻動道人灰

杏花天

風韶雨潤催花候歎無限年年常有桃蹊杏陌
相期久一爲東君試手窗窗去那人信否襟
淚漬粉香依舊單衣黃酒重來後好與看承人
瘦

又

當時衆裏聞新曲拚一醉移舟換燭清波快送

千帆幅十里披煙泛玉誰知度春寒夜獨常
寄恨花闌漏促西風渡口蓮堪束一枕新涼會
足

浣溪沙

題

冰練新裁月見羞墨花飛作淡雲浮宜歌宜笑
不妨秋約腕半籠衫草碧洗粧初失黛蛾愁
嫩涼輕暑奈風流

又

過雨園林綠漸濃晚霞明處暮雲重小橋東畔
再相逢睡起未添雙鬢綠汗融微退小粧紅
幾多心事不言中

又

菊已開時梅未通似寒如燠意融融情親語妙
一盃中歌舞欲來須更理林泉有樂政須同
好詩多味酒無功

又

渺渺東風泛酒船月華為地酒為川春于紅藥
更留連雲路功名方步步草廬松竹自年年
他時人說二疎賢

又

花下憑着月下迎避人私語臉霞生画堂紅燭
意盈盈病酒一春愁與睡尚關終日雨還晴
強移心緒作清明

又辛卯會黃蓮
蜀席上作

人意歡聲欲度春春溫煖勝於人勸君一醉
酒如澗梅子枝頭應有恨柳花風底不堪頻
蓋公堂下淨無塵

虞美人九月飲華
星亭故基

煙空燈盡長松語佳處遺基古道人葉月又葉
風未用秋衣沉水換熏籠兩峯千澗依稀是
想像詩翁醉莫驚青蕊後時開笑倒江南陶令
未歸來

又

凌虛風馬來無迹水淨山先出松間孤鶴睡殘
更喚起緌簫飛去與雲平新亭聊共豐年悅
一醉中秋月江山擬作画圖臨樂府翻成終勝
寫無聲

又羅官嘉承張忠甫
諸公置酒舟中作

蘭畦梅迳香雲繞長恨相從少相從雖少却情
親不道相從頻後是行人行人未去猶清瘦
想見相分後書來梅子定嘗新記取江東日暮

雨還雲

南鄉子同韓子東飲
汪德召新樓

風露晚珊珊洛下湘中接珮環急把一盃相勞
苦雲端只恐水飢亦自寒二客共闌干漱漱
鯨波吸未乾待得月華移十丈葉權更上層樓
極處看

又

濃綠暗芳洲春事都隨芍藥休風雨只食梅子
熟颺颺却送行人一夜秋 新月幸如鈞二五
還催玉鑑浮一段離愁溪樣遠悠悠只是溪流
淺似愁

又集

窗戶映朝光花氣潭如百和香卽遣花飛深造

欠茫茫曲渚飄成錦一張 相憶莫相忘並帶
芙蓉本自雙草色連雲人去住堪傷海上尖峯

似劒鉞

回堂春

依趙詞卿
客光堂

倡條繁帶綠層層解衫扶醉同登曉雲無樹亦
峻嶒紅袖深憑 病患去春饒睡醉魂因酒患
水夜涼星斗挂修光歌盡香凝

又

滿城風雨近重陽夾衫清潤生香好辭賡盡楚
天長喚得花黃 客勝不知門陋酒新如赴春

狂故人相見等相忘一語千觴

滴滴金

送路夢捷
赴饒興

澄溪曉度輕漸白對平湖澹煙隔我與征鴻共
行人更張燈留客 東園半是餘花迹料仙帆
到時發若倚江樓望清淮爲慙勤鄉園

青玉案

贈趙道
玉邑人

當年萬里龍沙路載多少離愁去冷壓層簾雲
不度芙蓉雙帶垂楊嬌髻絃索初調處 花凝
玉立東風算曾記江邊麗人句異縣相逢能幾
許多情誰料琵琶洲畔同醉清明雨

沙塞子

春水綠波南浦漸理棹行人欲去黯消魂柳上
輕煙花梢微雨 長亭放釵無計住但芳草迷
人去路忍回頭斷雲殘日長安何處

臨江仙

和洪景廬
送行勸

憶著舊山歸去樂松筠歲晚參天老來慵似柳

三眠從教官府冷甘作地行仙 青瑣紫微追
昨夢扁舟已具箇憐有情如酒月如川爲君忘
飲病更擬索茶煎

又席上次
元明前

潦水似譏酒淺秋雲如妬蟾明幽人聞雁若聞
鶯更長端有意菊晚近無情 詩學笑中偷換
燭花醉裏頻領羅衣迴立可伶生五湖雖好在
客意欲登瀛

鷓鴣天 曰鷓
亭作

天外秋雲四散飛波間風艇一時歸他年淮水
東邊月猶爲登臨替落暉 誇客勝數星稀晚
寒拂拂動秋衣酒行不盡清光意輸與漁舟睡
釣磯

又 述王潛侍
如素事

渺渺東風拂画舫不堪臨雨落花前清歌只擬
留春住好語頻聞有詔傳 秦望月鏡湖天養

成英氣自當年兩山總是經行處獻納雍容定
幾篇

又爲韓常
毛啓壽

憶醉君家倚翠屏年年相喜鬢毛青誰知緩步
從天下猶許清彈此地聽 揮羽扇寫鵝經使
星何似老人星幾時一試黑風手今日桐陰又
滿庭

清平樂 建安
舟作

新寒一段變盡人間曉說與群花花不管只有
江梅情亂 江梅也似山人山人到老梅親斗
擻衣冠氣象百般歸去精神

又席上贈人
花菴作閨思

桃根桃葉一樹芳相接春到江南三二月迷損
東家蝴蝶 慙勤踏取青陽風前花正低昂與
我同心支子報君百結丁香

眼兒嬌 建安
作

僕家風物似山家
梅老鬢絲華幾回
記得攀翻琪樹醉
帽欹斜
冷香不斷春
千里歸路本非
賒有人卻道使君
猶健看徧餘花

永遇樂

陪程全翁
馬用其韵

杜曲桑麻瀟橋風
雪歸夢無路馬健
凌秋人間
玩日聊用寬遲算
搖搖羽扇翩翩鳬
鳥勝處恍疑仙去
笑相看風林露草
古來有誰知趣
黃公壚下山陰亭
畔歲月著鞭如鳬
出塞功名入關游
說紙上俱難據論
詩說劔尊前風味
天巧却容人覷問
少陵耐歌拓戟爲
誰獻賦

訴衷情

雨中會飲實
松燒燭花抄

洗粧微舞傍清樽
霏雨澹黃昏
慙動與花爲地
燒燭助微溫
松半嶺竹當門
意如村明朝酒
醒桃李縵山心事
誰論

又

江梅初試兩三花
人意竟年華
春工未敢輕放

深院權吳娃
翻酒戲醉人家
舊生涯而今且
趁便面斜陽
莫照紅紗

千秋歲

杏花風下獨立
春寒夜微雨度
疎星挂暉暉
凝出嫋嫋繁枝
亞朱檻倚輕羅
醉裏添還卸
寂寞情猶乍
悵望驂鸞駕
衣褪玉香欺
麝一花拚一醉
盆重憑誰把
春去也重簾翠
幙人如畫
風入松

杏花

傳聞天上有星
榆歷歷誰居
淡煙算擁紅雲
暝春寒乍有還
無作態似深仍
淺多情要密還
疎移樽環坐足
相娛醉影憑扶
江南歸到雖憐
晚猶勝不見
踰曙儘拚綠陰
青子憑肩攜手
如初

茶瓶兒

元上

澹月華燈春夜
送東風柳煙梅
麝寶釵宮髻連
嬌馬似記得帝
鄉游冶
悅親戚之情
話況溪

山坐中如画凌波微步人歸也看酒醒鳳鸞誰跨

祝英臺近

春恨

歌金寒簾玉潤梅雪印苔絮春意如人易散苦難聚幾多絲竹深情池塘幽夢猶倚賴與春同住舊游處誰喚別浦仙帆風前問征路煙雨連江吹恨正無數莫教紫燕歸來彩雲開後空悵望主人輕去

五絲結同心

為深奇

人間塵斷雨外風回涼波自泛仙槎非郭還非埜閣鶯燕時傍笑語清佳銅壺花漏長如線金鋪碎香燠簷牙誰知道東園五畝種成國豔天葩主人漢家龍種正翩翩迴立雪紆烏紗歌舞承平舊圖紅袖詩興自寫春華未知三斗朝天去定何似鴻寶丹砂且一醉朱顏相慶共看玉井浮花

瑞鷓鴣

寫蕓

芙蓉池館一重重留得黃花壽年春到小春如有信日臨良月正相同芝蘭美應瑞瑞蘋藻香吹翠沼風此夜隔牆聞鳳管人間元自勝蟾宮

月中桂

送杜仲微赴開

露醕無情送長歌未終已醉離別何如算雨釀一襟涼潤來留佳客好山侵座碧勝昨夜疎星淡月君欲翩然去人間底許員嶠問帆席詩情病非疇肯賴親朋對影且慰良久風流雨散定幾回腸斷能禁頭白爲君煩素手薦碧藕輕絲細雪去去江南路猶應水雲秋共色

滿庭芳

道中憶錢塘舊遊

雲腰萍漪雨香蘭還西湖二月初時兩山十里錦繡照金罽柳外闌干相望弄東風倚過斜暉明遊好亂紅堆裏一飲百篇詩三年江上夢

青衫風日白紵塵泥聽幾聲黃鳥粵樹關溪長
是春朝多病今年更添得相思須歸去倦遊滋
味猶有个人知

水龍吟

春溪漠漠如空望中只與新愁去何知尚有煙
間餘怨洛津閑賦已瘦難豐久離重見好春如
許念海棠未老荼蘼欲吐且莫恨風隸雨休
問無情水驛載幽懷小橈輕舫君看睡起平塘
柳絮入門花霧才盡無奇客殘如掃一樽誰舉
悵行雲斷後祇應夢裏有澄江句

如夢令

鴛瓦初凝霜粟冰笋旋裁春玉巧思化東風喚
省蕊紅枝綠清淑清淑會有蜂棲蝶宿

又

嫩柳眉梢輕感細草煙凝堪柳爭似小桃殘酒
入香肌紅玉清瘦清瘦不覺花闌漏促

並珠開

浦雲融梅風斷碧水無情輕度有嬌黃上林梢
向春欲舞綠煙迷畫淺寒欺算不勝小樓凝佇
倦游處故人相見易阻花事從今堪數片帆
無恙好在一篙新雨醉袍宮錦畫羅金縷莫教
恨傳幽句

念奴嬌

雨斜風橫正詩人閑倦淮山清絕彈壓秋光江
萬頃只欠凌波羅襪好事幽人怜予止酒著意
溫瓊雪翠惟低卷怪來飛墮初月涼夜華宇
無塵舞裙香漸暝錦茵聲闌不分金蓮隨步步
誰遣芙蓉爭發賴得高情湘歌洛賦稱作西風
客爲君留住不然飄去雲闕

憶少年

逢春如酒逢花如露逢人如玉東風送寒去蔚
溫溫香綬海上三山元似粟試招來共藏金

屋與君辭千歲看人間新綠

思佳客令

天似水秋到芙蓉如亂綺
笑客意與黃花倚
歷歷黃花矜酒美清露萎山間有箇閒人喜

惜分飛

送江魯王
歸馬
草

相與十年親且舊一笑天涯攜手霜際寒雲逗
去年情味君思否
遠水無情水不就在尊
前眉岫腸斷東南秀
淡煙疎月梅時候

絳都春

別張子儀

平生相遇算未有笑語
閩山佳處舊日文章如
今風味渾如許
眼前都是蓬萊路
但莫道有人
曾住異時天上種種風流待君如故
此自君
家舊物看九萬清風爲君掀舉
擧上青雲却憶
梅花如舊否
故人衰病今無緒
只種得梅花盈
圍待君一過
山家共斟露醕

小重山

春日歸來如許長不知償此意幾何
觴老人臨

酒興猶狂溪山主終不道山王
一雨罷耕桑
平生歡喜處是吾鄉與君花底共風光
春莫笑
花不似人香

隔浦蓮

西風吹斷蘼草來度芙蓉老
座上人誰在晨參
疎影相照幽館寒意早
簷聲小口口口醉語秋
屏曉
相攜勝處黃花香滿烏帽如今將見壁
月瓊枝空好準擬新歌待見了不道些兒心事
還惱

賀聖朝

一江風月同君住了不知秋去賞心亭下過帆
如馬墮楓如雨
相將莫問興亡事舉離觴誰
訴垂楊指點但歸來有溫柔佳處

念奴嬌

建安縣文
代注公推

棠陰綠遍正金菊芙蓉爭放時
節滿路歌謠民

五袴底事逢車催發結綠成門攀轅臥轅何計
留連得故園花柳盡成顚顚難說今夜祖席
郵亭主人來日已是朝天客旌旆囹圄從此去
口賞口湖風月春戀無因笑啼不敢那忍傷輕
別瀛洲難駐一盃聊送行色

點絳脣

途中逢管仲

顚顚天涯故人相遇情如故別離何遠忍唱陽
關句我是行人更送行人去愁無據寒蟬鳴
處回首斜陽暮

轉調踏莎行

路宜人生日

宿雨纔收餘寒尚力牡丹將綻也近寒食人間
好景算仙家也惜因循盡掃斷蓬萊跡舊日
天涯如今咫尺一月五番口共懽集些兒壽酒
且莫留半滴一百二十箇好生日

瑞鶴仙

氣佳哉壽域正曉松呈翠早梅施白良辰值良

月看景星朝觀洗空霜潔珍圖瑞牒仰天心鍾
在俊傑向人間化作如膏甘雨莫放春歇堪
憶三吳樂事畫戟凝香舞衣回雪風流勝絕樽
中酒坐中客問今年何事騎鯨南去久矣湘楓
下葉早歸來應取千齡鳳池舊列

看花回

端有恨留春無計花飛何遠檻外青青翠竹鎮
高節凌雲清陰常足春寒風袂帶雨穿窗如利
鐵催處處燕巧鶯幄幾聲鈞轡叫雲木看波
面垂楊蘸綠最好是風流煙淡陰重熏簾未捲
正泛乳新芽香飄清馥新詩惹我開卷醒然欣
再讀嘆詞章過人華麗擲地勝如金玉

好事近

一沮寄江千十載山青水碧山水大無餘意有
故情難識故情難識有誰知衣殘更頭白別
後是人安穩只是吳行客

賀聖朝

河陽桃李開無數待成春歸去小園幾月忽驚
飛恨主人難駐離鶯乳燕愁悲語道留君不
住願君隨處作東風與群花為主

浣溪沙

張宜興生日

花縣雙鳬縹緲仙家庭椿樹正蒼然斑衣舉酒
大人前嫋嫋涼風供扇枕悠悠飛露濯叢萱
醉扶黃髮弄曾玄

又

水到桐江鏡樣清有人還似水清明樽前無語
更盈盈翠袖舞衫何日了白頭歸去幾時成
老來猶有惜花情

菩薩蠻

佩環解處粧初了翠娥玉面金鈿小
綠本仙家天香誰似他芳心眞耐久
度月長相守歲晚未能忘相期雲水鄉

眼兒媚

王漕赴介登賞梅

黃昏小宴史君家梅粉試春華
暗香素蕊橫枝疎影月淡風斜
更燒紅燭枝頭掛粉蠟聞香
奢元宵近也小園先試火樹銀花

江城子

上張帥

春風旗鼓石頭城急麾兵斬長鯨
緩帶輕裘禁勝討蠻荆
蠶聚蜂屯三十萬爭面縛向行營
舳艫千里大江橫
凱歌聲大羊驚尊俎風流談
笑酒徐傾北望旄頭今已滅
河漢淡兩台星

西江月

爲壽

搗玉揚珠萬戶顰眉高髻千峰佳辰請壽黑頭
公老稚扶攜歡動借問優游黃綺何如強健
夔龍航船一棹百分空澆潑胸中雲夢

千秋歲

外姑生日

柏舟高躅晚歲宜遐福門戶壯疎湯沐青袍圍
白髮瑞錦纏犀軸仙桂長交柯却映蟠桃熟

縹緲長生曲入破笙簫逐香霧薄菲華屋玉鈎

涼月挂水麝秋葉靚千萬壽酒中倒臥南山綠

虞美人

斷蟬高柳斜陽處池閣絲絲雨綠檀珍簾卷猩

紅屈曲杏花蝴蝶小屏風春山疊疊秋波慢

收拾殘針綫又成嬌困倚檀郎無事更拋蓮子

打鴛鴦

又劉帥生日

疎梅淡月年年好春意今年早迎長時節近佳

辰看取袞衣黃髮画麒麟酒中倒臥南山綠

起舞人如玉風流椿樹可伶生長與柳枝桃葉

共青青

瑞鷓鴣

榴花五月眼邊明角簾流水午夢清江上扁舟

停画檣雲間一笑濯塵纓主人盃酒留連意

倦客關河去住情都付郵亭今日水伴人東去

到江城

豆葉黃

粉牆丹柱柳絲中簾箔輕明花影重午醉醒來

一面風綠蔥蔥幾顆櫻桃葉底紅

念奴嬌

姮娥萬古算清光常共山清水綠我欲逢萊風

露頂眇視寰瀛一粟攜手群仙廣寒遊戲玉砌

琉璃屋歸來一笑鵲陂還訪騎竹此夕縱飲

清歡吸寒輝萬丈快如飛瀑傾倒銀河斟斗杓

莫問人間榮辱獨倚闌干浩歌長嘯驚墮雲飛

鵲亂呼蟾兔搗霜爲駐顏玉

水調歌頭

山色望中好口氣口口口連峯疊嶽極目高下

與雲平三洞沉沉何處玉清洞在隱映一溪煙

樹倒影碧波口喚起驂鸞客丹竈夜光橫口

捲風口口口明佳人爲我坐手悽怨理素

筆千載虹橋新路依約慢口歌舞一醉話浮生
但得樽盈酒與問世間名

臨江仙

賞美

十載長安桃李夢年來鏡淨塵空忽傳綠筆小
殘紅滿懷秋思傾倒為美客 莫恨霜濃開較
晚樽前元有春風耐嬌肯為別人容試携銀燭
斜照綠波中

喜遷鶯

登山臨水正桂嶺漳開蘋洲風起玄鶴高翔蒼
鷹遠擊白鷺欲飛還止江上澄波似練沙際行
人如蟻目斷處見遙峯感翠殘霞浮綺 千里
關塞遠雁陣不來猶把闌干倚數疊悲笳一行
征旆城郭幾番成毀白塔前朝寢陵青嶂故都
營壘念往事但寒煙滿目秋蟬盈耳

鷓鴣天

羊城舊名京口天下最號都會風
朝仙日之因列十
名於後各賦一闕

蕭秀

有女青春正及笄並宮仙子下瑤池簫吹弄玉
登樓月絃撥昭君未嫁時 雲體態柳腰肢綺
羅活計強假隨天教謫入群花苑占得東風第
一枝

蕭瑩

花動儀容玉潤顏溫柔嫋娜赴幽閑盈盈醉眼
橫秋水淡淡蛾眉抹遠山 膏雨霽曉風寒一
枝紅杏拆朱闌天台迥失劉郎路因憶前緣到
世間

歐懿

月晚金口雲口梳素娥何事下天衢翩翩舞袖
穿花蝶宛轉歌喉貫索珠 簾翡翠桃珊瑚錦
衾冰簟水紋鋪春光九十羊城景百紫千紅總
不如

桑雅

雲暗青絲玉瑩冠笑生百媚入眉端春深芍藥
餘煙拆秋曉芙蓉破露看星眼俊月眉彎舞
狂花影上欄干醉來直駕僊轡去不到銀河到
廣寒

啼春鳥逢島沉沉鎖尊雲丹臉嫩黛眉新肯
將朱粉污天真楊妃不似才卿貌也得君王寵
愛勤

劉雅

王婉

醉撚花枝舞翠翹十分春色賦妖燒千金笑裏
爭檀板一搦纖圍間舞腰行也媚坐也嬌乍
離銀闕下青霄檀郎若問芳笄記二月酥風弄

未有年光好破瓜綠珠嬌小翠鬟丫清肌瑩骨
能香玉豔質英姿解語花釵挿鳳簪堆鴉舞
腰春柳受風斜有時馬上人爭看掌破紅窗新
絳紗

柳條

楊蘭

歐倩

梅粉新粧間玉容壽陽人在水晶宮浴殘雨洗
梨花白舞轉風搖茜茜紅雲枕席月簾櫳金
爐香噴鳳幃中凡材縱有凌雲格肯學文君一

兩兩青螺綰額傍彩雲齊會下巫陽俱飛蛺蝶
尤相逐並蒂芙蓉本自雙翻絲袖舞霓裳點
風飛絮恣輕狂花神只恐留難住早晚承恩入
未央

旦蹴

吳玉

文秀

綽約嬌波二八春幾時飄謫下紅塵桃源寂寂

拂拂深帷起暗塵清歌緩響自回春月和燈市
雲間墮人對梅花雪後新盃掌露舞衣雲酒

慵微覺翠鬟傾洞房不厭陽臺雨乞與游人弄
晚晴

總詠

一簇神仙曾見奇謾誇蘇小與西施憐輕鏤月
爲歌扇喜薄裁雲作舞衣牙板脆玉音齊落
霞天外雁行低看看各得風流侶回首察鸞舊
路歸

德莊名堂花漢宮中主籍請大夫其寶文閣知
毫密府主詹事賜紫金魚袋見其陸而後
量宏儒者裁請志云公曰謹勿以一燈先置窗
中可觀見其大矣矣余亦急藏介庵詞琴板
其精長惜未得見其集又君父寶雅詞四卷中
誤入和夫人咏雪詞又皆見其和介爲以爲車次
煩傷膚也頗多不能悉舉予也席上贈人清言亦
皆人稱爲集中之冠及惠生可恨坊本主記爲
也湖南毛云受